

PEMBERITAHU PERTANYAAN DEWAN RAKYAT

- PERTANYAAN : BERTULIS**
- DARIPADA : PUAN HAJJAH NORMALA BINTI ABDUL SAMAD [PASIR GUDANG]**
- SOALAN : Puan Hajjah Normala binti Abdul Samad [Pasir Gudang] minta MENTERI PERTANIAN DAN INDUSTRI ASAS TANI menyatakan impak dan status terkini inisiatif Program Jihad Memerangi Orang Tengah yang telah dilancarkan pada tahun 2014 dan sejauh manakah program sebegini dapat meningkatkan taraf hidup golongan petani dan nelayan.**

JAWAPAN:

Tuan Yang Dipertua,

1. Sepanjang tahun 2014, pelbagai inisiatif telah dilaksanakan oleh Kementerian ini ke arah memerangi manipulasi dan monopoli Orang Tengah dalam Sektor Agromakanan Negara. Program Jihad Memerangi Orang Tengah yang telah diperkenalkan pada tahun 2014 telah berjaya menimbulkan fenomena baru dalam Sektor Agromakanan Negara. Tindakan agresif Kementerian dalam menangani isu penindasan, manipulasi dan monopoli segelintir Orang Tengah yang telah berakar umbi sejak sekian lama telah mencapai beberapa kejayaan seperti berikut:

a. Sub sektor Padi

- i) Peningkatan 8.87% pendapatan pesawah yang terlibat;
- ii) Perluasan pasaran hasil padi pesawah secara terus tanpa penglibatan Orang Tengah;
- iii) Peningkatan kualiti pemutuan padi;
- iv) Penyediaan kemudahan pengambil alihan hutang pesawah kepada Orang Tengah, pinjaman mudah peralatan dan bagi tujuan peningkatan pendapatan pesawah (RM40 juta oleh TEKUN Nasional); dan
- v) Pembelaan kebajikan pesawah yang terlibat melalui pewujudan Dana Kebajikan Petani berbentuk pinjaman mudah (RM500 – RM2,000) di setiap Pusat Belian Padi yang diwujudkan bertujuan untuk membantu petani mendapatkan bantuan pinjaman sewaktu kecemasan seperti membiayai persekolahan anak, perubatan dan sebagainya sekali gus dapat membendung keberhutangan pesawah kepada Orang Tengah.

b. Sub sektor Perikanan

- i) Peningkatan pendapatan nelayan sehingga 10% - 20% (daripada RM1,500.00/ bulan kepada RM1,650 - RM1,800/ bulan);
- ii) Berjaya memecahkan monopoli Orang Tengah dalam penentuan harga belian hasil tangkapan nelayan;
- iii) Pengguna mendapat harga lebih murah (10%-20%) daripada harga di pasar awam;
- iv) Pengguna memperolehi bekalan ikan segar;

- v) Penyediaan 200MT stok simpanan ikan bagi tujuan imbangan harga ikan di waktu puncak (perayaan, banjir); dan
- vi) Penyediaan kemudahan pengambil alihan hutang nelayan kepada Orang Tengah, pinjaman mudah peralatan dan bagi tujuan peningkatan pendapatan nelayan (RM40 juta oleh TEKUN Nasional).

c. Sub sektor Sayuran dan Buahhan

- i) Peningkatan pendapatan Pemasar Sayuran dan Buahhan seperti berikut:
 - Pemasar Sayur – Sayuran di Pasar Tani
[dari RM1,014 ke RM2,490 (145%)]
 - Pemasar Buah – Buahhan di Pasar Tani
[dari RM1,297 ke RM2,712 (109%)]
- ii) Perluasan ruang pemasaran kepada pengeluar untuk menjual hasil sayur dan buahhan terus kepada pengguna melalui medium pemasaran mesra rakyat seperti Agrobazaar Rakyat 1 Malaysia, Agrobazaar Kedai Rakyat, Karavan Tani, Pasar Tani dan Agrobazaar.com di samping mengurangkan tier pemasaran hasil tanaman tanpa melibatkan Orang Tengah;
- iii) Tawaran harga yang lebih rendah (5%-20%) kepada pengguna berbanding pasar awam; dan
- iv) Penyediaan kemudahan pengambil alihan hutang petani kepada Orang Tengah, pinjaman mudah peralatan dan bagi tujuan peningkatan pendapatan petani (RM40 juta oleh TEKUN Nasional).

2. Secara keseluruhannya, program ini telah menunjukkan perkembangan positif terhadap usaha memerangi Orang Tengah dan sedang

dipertingkatkan dengan penggembelengan kerjasama semua pihak termasuk Jabatan/ Agensi MOA, *Government Link Company* (GLC), Pertubuhan Peladang, Persatuan Nelayan, semua pihak berkepentingan serta kumpulan sasaran. Usaha secara berterusan dan rapat yang penuh berhemah sedang dipergiatkan bagi mengurangkan kebergantungan kumpulan sasar dengan Orang Tengah. Disamping itu, Kementerian ini juga sedang memperhalusi dan memperkukuhkan rantaian nilai pengeluaran Agromakanan negara dengan merangka pelaksanaan JMOT ke arah memfokuskan penguasaan komuniti Agromakanan dalam aspek pengeluaran, perkhidmatan sokongan, pemprosesan dan pemasaran agar pelaksanaan program ini dilihat relevan ke arah mencapai objektif yang telah disasarkan.

JAWAPAN SOALAN PERSIDANGAN DEWAN RAKYAT

**PERTANYAAN BERTULIS DARIPADA : Y.B. PUAN HAJAH
NORMALA BINTI ABDUL
SAMAD [PASIR GUDANG]**

JAWAPAN OLEH Y.B. MENTERI PENDIDIKAN MALAYSIA

PERTANYAAN BERTULIS

Puan Hajah Normala binti Abdul Samad [Pasir Gudang] minta **MENTERI PENDIDIKAN** menyatakan status pembinaan Sekolah Kebangsaan Taman Scientex, Pasir Gudang dan Sekolah Menengah Kebangsaan Taman Scientex, Pasir Gudang dan bilakah tarikh jangkakan siap sepenuhnya untuk setiap sekolah.

JAWAPAN

Untuk Makluman Ahli Yang Berhormat,

Projek pembinaan SK Taman Scientex dijadualkan siap pada September 2015. Pembinaan bangunan utama melibatkan pemasangan sistem IBS hampir selesai. Pada masa ini, kerja-kerja yang sedang giat dilaksanakan di tapak, melibatkan kerja infrastruktur dan bangunan sokongan seperti pondok pengawal dan rumah sampah.

Bagi SMK Taman Scientex, sehingga 31 Mac 2015, prestasi fizikal projek adalah sebanyak 9.30 peratus berbanding jadual sebanyak 9.00 peratus. Projek ini bermula pada 29 September 2014 dan dijangka siap pada penghujung tahun 2016.